

太原府志卷四十七

仙釋

仙尚無虛釋宗清淨均為儒者所不道然而吐納戒定之旨頗近乎反躬克己之修又其人類皆浮雲富貴蓋非人世所難能者此列仙傳傳燈錄之所為至今不朽也余不解叅同朱譜內典鉛汞坎離之要多羅阿耨之微自愧管蠡矣姑就前志所傳者條而錄之志仙釋

夏

嘯父冀州人少在西州市上補履見劉向列仙傳
師門者嘯父弟子為夏孔甲龍師見劉向列仙傳
務光夏時人見劉向列仙傳

周

馬丹晉人靈公欲仕之迫之不以禮有迅風發屋丹入迴
風中而去北方人多尊而祠之

三國觀

郝姑字汝君太原人徙居莫縣青龍間與隣女十人於漚
渚洩水邊挑蔬忽有三青衣童子至前云東海公娶女
君為婦言訖數箇褥水上行坐往來如陸地其青衣童
子侍側沿流而下隣女走告家人往看女君遙語幸得
為水仙願勿憂怖又云至四月送刀魚為信四月果多
刀魚鄉人於是月祈禱州縣長吏入祠先拜然後得入
祠前忽生青白石一塊縱橫可三尺高二丈餘舊題云
上馬石今尚存

尹軌字公度太原人見葛洪神仙傳

甘始太原人見葛洪神仙傳

北齊

由吾道榮瑯琊沐陽人少好道法聞晉陽有人大明法術
乃尋之是人為人家傭力久訪始得悉以道家符水禁
咒陰陽歷數天文樂性授榮藏餘謂榮云我本恒岳仙
人有少罪過為天官所謫今限滿將歸卿宜送吾至汾
水及至汾河遇水暴長乃臨水禹步以一符投水中流
便絕俄頃水溢是人徐自沙石上渡人咸驚異之道榮
仍歸瑯琊山尋為文宣追往晉陽後至隋初卒

唐

趙龜頤嵐縣人開元間為縈極宮道童不茹葷酒惟喜靜
坐衣破衲食藜藿一日暴栗於庭有一大鳥來食粟以

杖遂之去復來者三既而依戀於頤膝下乃悟為鶴乘
之遂飛集松頂似有物墜城西高阜人視之乃前所衣
衲也號其地為脫衣坡越明年坡生桃一葩一疾者悞
食之病尋愈遠近異之胥傳為仙跡云

張世寧太原人見宋曾慥集仙傳

石頭道人姓張交城人隱居西治山善修養能知未來事
嘗有詩云去去依然在呵呵一石頭青山常在伴明月
幾時休又言九月九日我當昇天至日果不見

張果一字園林交城東關小南巷人世稱為八洞仙之一
嘗乘白驢至阿蘇山以錢筆指石為穴並驢入焉今崖
中穴蹟尚存

光

宋德方號披雲子隱居太原昊天觀鑿石洞七龕為修煉所至元七年贈元通披雲真人賜號曰崇真鐫石陽曲之元通觀

杜志元陽曲石井人童稚嬉戲未嘗忤物甫冠遇一相者曰此子仙風道骨塵俗汚染下手已遲志先悟遂禮代州神崗觀張廣元為師七年默有所得遍遊名山晚始歸里構西溪菴居之知未來事朗如明鏡至元十五年按察使史扛撰記

李志朴字純甫質實勤幹建陽曲卿雲觀其徒張居敬嗣之領悟師傳沉潛至道至元癸巳授天下元門演道大宗師掌教真人

陶志頤掄次人號隱真子幼從張真人學道授以修真煉

性術遊燕與栖霞真人王公叅究元妙有疑輒印證之
歸栖霞之萬春宮年九十羽化

洞明真人姓祁氏至元三十一年贈存神應化洞明真人
鐫石陽曲元通觀

明

張真人名君實別號三丰遼東義州人狀貌魁偉行步如
飛太祖及成祖求之皆不得後遊太原之南峪山膏絕
烟大累月不爨或分身助人力作數著靈異忽為病丐
狀來乞村民施缸云死即瘞南峪山上尋果死如言瘞
之後村人又遇於西安諸處

范真人號守元尹真人高弟著性命主旨為海內盛傳後
坐化於白龍洞

紫微宮羽士逸其姓名在徐溝城西北郝村年九十餘不衰一夕沐浴更衣端坐至夜半乘鶴而去

陸本雲間人宏治末居太原昊天觀石洞中有道術能符水禱雨輒應袖核於山頂搖之隱隱聞雷聲起後遊華山莫知所終

韓真人名訓素業公輸技性好道遇方外友必求益焉凡建寺廟助工不取值栖太原一小菴忽夜端坐四面皆火兩手垂拱如塑佛像額已成灰風吹不動時年二十有四青山居士賦詩五首載藝文

國朝

徐冲善陽曲道人初居西山之桃源洞遇仙傳丹訣後遷純陽宮園嚴冬不需火亦不絮衣裳旦起見藍袍草履

者立菴外尋忽不見但履跡宛然印塵耳以告住持張
真明張曰門且未啟何人至此必仙也康熙五年坐化
年八十四平陽司李林公為火葬於東郭更立塔焉

元陽子榆次人少有道行年二十餘遊大紅山鎮壽寺樂
其幽勝募修完葺居其中數十年不出冬不火夜不寐
康熙六十一年正月二十六日忽語其徒曰吾歸矣遂
瞑化

潘守器湖州人年二十餘出遊遇異人授導引內鍊諸術
適晉寓陽曲柏樹園純陽宮去而復來者三閉關靜坐
累月不食康熙己亥撫臣荐送入都乞還山年九十九
卒塑遺蜕於純陽宮之西廊

以上
仙

北魏

曇鸞祖師雁門人也幼出家讀大乘經以詞義深密窮於
注解因成疾行脚至汾州見天門洞開疾尋愈欲繼前
作聞江南陶隱君者方術所歸遂往從之既達梁隱君
接對欣然便以仙方十卷授之至浙江有鮑郎子神者
湧浪七日師以情祈告竟帖然而渡還魏至潞州逢中
國三藏菩提留支師問曰佛法中頗有長生不死法勝
此土仙經者乎支即以觀經授之曰此大仙方依之修
行當得解脫生死也師頂受焉魏主聞而重之號為神
鸞勅令住并州大寺晚移住石壁元中寺興和六年卒
卒日殯花幢蓋香氣蓬勃時登寺者並矚之

北齊

阿禿師晉陽沙門乍愚乍智時人呼為阿禿師文宣少時

與諸童共見之歷問祿位至帝舉手再三指天而已口
無所言衆咸異之

祥雲并州周氏子童年依州僧統靈詢披剃讀涅槃經不
期年成誦日持一遍遊清涼栖止大孚寺一日見數官
服者延至巨宅雲問之對曰我山神也慕師道行故特
奉拔行道七日圓滿神具珍奇為贈雲固却不受神即
取蘭一莖色如白玉以貽雲餌之遂獲仙還經詢所禮
謝不知所終

隋

高節并州人年十七辭親入臺山至北臺谷後見頭陀苦
節為器節長跪求度僧曰能食我食乃可度節即採葉
而食汲泉而飲居數日僧曰能誦法華乃可度七日法

華成誦僧曰汝能攝念坐七日必當得度節坐七日起
長跪僧曰我年髦矣不能令汝成道今長安有卧輪禪
師可挂依之且曰我海雲比丘也節謁輪公輪問所從
來節曰奉海雲比丘命自五臺來輪大驚曰海雲即華
嚴經中善財所叅第三知識也節辭輪而返復履舊境
惟見荒麓焉

唐

智滿太原奉聖寺開山師也鄂國公尉遲敬德禮智滿云
割絕他命敢問還否師云將軍悔心天啟之也公問若
齋僧建刹何如曰一念善心生獲福無涯淡公稽顙拜
施別業為梵宇高祖賜額十方奉聖禪寺延智滿居之
空王佛陝之馮翊人也其先出太原榆次縣源渦里俗姓

田名志超幼喜禮佛年十七父母為擇娶不納削髮雲
遊至五臺一老人點示曰子後當佛矣師即時洞明心
地回至介休滾鐘寺侍者摩斯供廚夜感白兔用鐘取
水日供不竭後入綿山仙窟有五龍出聽說法懸崖巉
削率飛渡而過嘗至抱腹巖中禪定有青衣童子奉古
佛舍利供養貞觀初亢旱太宗禱雨不應因召之使至
師令拜侍者摩斯斯方淘米以米汁向西少灑令急回
曰今日長安已霑足矣果應太宗乃詔師入長安不就
知必復召瞑目而化太宗駕親至聞其已化迺迴遣衆
詣巖行禮時山頭昏霧倏開見金字牌有空王古佛四
字太宗即賜空王佛號詔以所居寺為空王寺

哲法師太原人則天臨朝屢徵不起開元間坐化於福聚

寺

道綽俗姓衛文水人著淨土論二卷

宋

善昭禪師姓俞氏太原人器識深邃不由師訓通徹內典
淳化四年住持汾州太平寺不越閫者三十年府尹李
與師有舊請住承天使者三返必欲得師俱往師不獲
已乃令設饌束裝告衆曰老僧去矣停箸而化

閻趙二僧居太常寺太宗下河東時施棗賞軍給數千人
未下鐔口後證涅槃於寺

法濟榆次人俗姓卜初禮五臺秀公和尚為師號麻衣和
尚天聖初卧化縣之紫巖寺

明因大師道詮俗姓衛文水人始為童子辭家入洛陽妙

覺禪院依真行大師惠璿學海圖法咸平五年入僧籍
後二十四年賜紫衣遷主寺衆又四年賜號明因明道
癸酉正月卒歐陽修撰塔記

諸仙禪師俗姓裴祁縣人居幽仙寺一日午夢覺云河南
好夢時三月中旬也徒衆皆竊笑師乃出夢穗袖中示
之衆大異嘗入汴徽宗詔入朝賜號諸仙設饌不食問
之云聞本寺鐘聲方食少頃果聞鐘聲上遣兵衛取其
鐘鐘飛西崖今名墜鐘崖踰百歲髮尚黑不食百日而
化

金福俗姓田祁縣人諸仙徒也從遊於汴徽宗賜號金福
出入乘虎神通殊夥齡百餘歲衣化色如生

龍潭祖師膏居交城石壁寺夜誦華嚴經有鳩鵲二鳥集

左右聽之一日二鳥墮地死雙生於縣北坡底村榮氏
啼泣不止師尋至語其父曰汝二兒許為吾徒當令勿
泣父諾即以手摩其頂曰我徒勿泣果止長從師迄四
十年胥坐化稱鳩鵲二祖

金

常天壽徐溝人方能言作詩云我有一卷經不用筆寫成
展開無一字晝夜放光明年甫四歲而逝

元

印寶榆次人俗姓康師妙聰禪師戒行甚高住汾州法興
院坐逝三日荼毘烈焰中有金光獲舍利數千眼舌胥
脩後有人見寶于黃蘆嶺單騎西去云

大漢僧錄俗姓聶法名安身長九尺能誦咒驅邪通藏經

中統三年召為殿中將軍不拜命為交城縣僧錄賜禪衣二即號大衣禪師後園寂有舍利紅光建塔于安定村寺禪衣遺貯龍山永寧寺庫

志保師字德全自號道真子出於祁邱程氏時盤山樓雲大師闡教燕都往事之輒領其緘要樓雲許為他日道統所寄栖白霄都山疊石為龕猛獸弭服龕下元帥覃公築元貞觀以居之庚戌都道錄樊志應薦其名定宗賜金冠法衣升額為大元真萬壽宮中統間加號冲虛清淨至德真人其嗇神葆真之願占卜推測之妙靈飛十二科品之秘心皆了然而不挂口至元庚辰春三月九日付囑徒衆翌日黎明湯沐易冠服枕肱而逝主構為之記

洪智號大愚元初延住太原奉聖寺梵行精深儒書外典
靡不覽法嗣希深一間淺浩昌杲惠喜等歷一有一傳
胥克守戒律而浩於楞嚴尤晰云

文涓東祁里人俗姓施居榆之楊方金界寺精經懺抱道
潛真尤善大字筆畫勁逸有神

明

楊魔頭太谷杏林人出家資福寺散髮蓬頭似瘋癲洪武
時晉恭王數召見有事叩問輒先知一日侍奕忽假寐
既覺詰之應自平陽來看刈麥且得齋王哂曰何誕也
即出二麥穗四饅頭於袖中驗之平陽信然尋還晉陽
莫知所終

板特達西域僧洪武初從晉恭王之國居普光寺能驅雷